

finis namque unius, scilicet lapsi, est principium alterius uidelicet labentis cōtinuorum more. / Radice itaque habita cum reliquo temporis, primo tamen cū mensibus, si qui fuerint ad tabulā eorūdem mensiū anni cōmunis, si annus tuus currens communis fuerit, aut bisextilis si fuerit bisextus annus propositus intrabis, ac motum planetæ tui in eius tabulā eiusdem mensis inuentum, recipe radici subscribendo in locis qui debentur. Deinde cum numero dierum si qui superfluxerint ad dierum tabulam ingrediendo tui planetæ, motumque iuxta scriptum extrahas præscriptis subiungendo more solito. Haud secus cum horarum numero faciendo arbitrare, mittendo scilicet in tabulā horarū, si tempus acceptū aliquot ultra dies incluserit horas, & motum ibidem repertum prædictis subscribe per differentias suas. Eodem quoque modo cum minutis ac cæteris fractionibus temporis te operari oportet per tabulam horarum & suarum fractionū, si quas ultra horas proposuisti, eadem namque tabulā ipsis horis, horarumque minutis, quarumcunque denominationum fuerint inseruiet. Si autem aliquam denominationem tui temporis uacare contigerit, eiusdem nominis tabulā ingredi non erit necesse. Et scias quod cum qua minutia temporis dictam tabulam intrare contigerit, semper prima eius riga post lineā numeri eandem in motu denominationem obtinebit. Variabilis etenim est continue lineæ primæ denominatio tabulæ dictæ, ad denominationem numeri in tabulam mittendi, ut si mittantur minuta habebit minuta, si secunda seruiabit secunda, si tertia mittantur, sic tertia ipsa adducentur &c. Intra igitur primo cum minutis & motum quem reperies, scribe sub prius extractis. Deinde cum secundis, & fac similiter &c. Hoc non ignorato quod si numerus in tabulam mittendus lineæ numeri communis excesserit multitudinem, tunc etenim duplici introitu intrandū erit, scilicet primo cum 30. deinde cum toto residuo eiusdem denominationis, & motus cuique correspondens extrahatur, quem prioribus subscribas, nec de tali operatione cessandū est, donec omnibus fractionibus propositi temporis motus correspondentes penitus extraxeris. Quo facto omnes Numeratores cuiusque denominationis simul adde, unumquodque ad suum genus, ut in additione fieri solet, & aggregatum ostendit motum medium quem quaesieras, ad Norimbergensem meridianum ad quem has tabulas principaliter reduximus, ob celebriorem præfati oppidi famam, ut usui communi reddantur accommodatiores, nec alijs locis ab huius meridiano notabiliter discrepantibus, nisi reductiue inseruiere possunt. Quod si forte loco habitationis considerationisue exigente ad alium meridianum motus super cœlestium corporum inuestigare proposueris, necesse est ut tempus distantiae meridianorum tuæ considerationis locum & Norimbergam interiacens, addas tempori proposito ad quod motus inuenire desideras, si tuæ considerationis locus fuerit occidentalior Norimbergæ, aut subtrahas, si fuerit orientaliior prout tabulā huius rei gratia facta te abunde informabit, & tempus illud quod facta additione conflatur, uel post subtractionem relinquitur inseruiet exacte tuo proposito, ad quod si motum alicuius planetæ uel mobi

Habita radice
 quid agendum.

Declaratio tabulæ
 dierū motū in ho
 e horarū fractio

Cautela.

Reductio motū
 ad quævis meri
 dianū.

B lis in